

ԴԱԻԻԹ ՎՐԴ. — Մբ. 1644 ին, Ադրիանուպոլսեցի Ալիքսան հրէց կ'ընդօրինակէ Տաթևացիին մեկնութիւն Սաղմոսաց ֆառաւոր Երուսաղիմի ապատար Դաւիթ վրդ.ի համար. և իր յիշատակարանը կը վերջացնէ հետեւեալ կերպով. «Կատարեցաւ զիրս թվին ՌՂԳ (=1644) Յունիս ամսոյ ժէ. ի քաղաքն յԵւզովկիա ի զուռն սբ. Ստեփանոսի եւ սբ. Կարապետին եւ սբ. Յակոբայ: Ով սրբասէրք յորժամ կարդալով կամ օրինակելով զյեանեալ գրեչս յիշէք, զաւելն բարձէք և զթերին լցէք. ու որ յիշէ Աստուած ողորմեսցի (անընթեանլի) որ առասն է ի տուրս զյիշողս և զյիշեալս անթառամ պսակացն արասցէ...: (ՄՁ. թ. 886. Խապ. Յուց. 1456):

ԴԱԻԻԹ ՎՐԴ. — Մբ. 1710 ին, Ս. Յակոբի վանքին մէջ կ'ընդօրինակէ Կոչուռն ընծայութեան գիրքը եւ զանազան ֆարոգներ. (Էջմ. Յուց թ. 754. էջ 46):

ԴԱԻԻԹ ՎՐԴ. — Մբ. 1765 ին հրաւիրակ ուխտաւորներու. 1774 ին Նւ. Զմիւռնիոյ և Գաղատիոյ. 1774 ին ժամարար (ՄՁ. թ. 120):

ԴԱԻԻԹ ՎՐԴ. ՇՍՄԱԽԵՑԻ. — Մբ. նախ քհ. յետոյ 1835 ին վեղար կ'ստանայ Ս. Յակոբի վանքին մէջ Պաղտատի Հայ ժողովուրդին կողմէն Երուսաղէմի Պօղոս պարք.ի գրուած խընդրագրին համաձայն:

ԴԱԻԻԹ ՎՐԴ. ՇՍՏԱԽՅԻ. — 1620 ին ուխտաւորութեամբ կ'այցելէ Ս. Յակոբի վանքը:

ԴԱԻԻԹ ՎՐԴ. ԶՈՒՂԱՅԵՑԻ. — Մբ. կը յիշատակուի 1701 ին, Մինաս Ամբեցիին Օրագրութեան մէջ:

ԴԱԻԻԹ ՎՐԴ. ԶՈՒՂԱՅԵՑԻ. — Աշկ. Կեսարացի Խաչատուր վրդ.ին (※ 1646). 1651 ին Փիլիպպոս կթղ.ի հրաւերով Ս. Յակոբի վանքին մէջ եպիսկոպոս կը ձեռնադրուի և կթղի կոնդակով առջնորդ կը կարգուի Զուղայի: 1664 ին կը նորոգէ Զուղայի Ամենափրկիչ վանքը (Նոր Զուղայ հար. Բ. էջ 25-28): Ս. Յակոբի վանքին նուիրած է Աստուածաշունչ մը, Ոսկան վրդ.ի 1666 ին տպագրածը իր ձեռագիր յիշատակարանին համաձայն: 1683 ին վախճանած և թաղուած է Կեսարացի Խաչատուր վրդ.ին գերեզմանին քով (Անդ. էջ 29):